



UPRAVA DRUŠTVA	Strana: 1 od 2
Broj protokola: 02-1-04-7-2439-38/20	JAVNO

Datum: 09.12.2020. god.

Na osnovu člana 70. Zakona o javnim nabavkama („Službeni glasnik BiH“, broj 39/14), a u vezi sa članom 21. stav (1) tačka 2) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo i člana 45. Statuta J.P. Međunarodni aerodrom "SARAJEVO" d.o.o. Sarajevo, te izvještaja i preporuke Komisije za provođenje postupka javne nabavke Konsultantskih usluga vezanih za projektovanje i rekonstrukciju PSS, rulnica i dijela platforme, imenovane Rješenjem broj: 02-1-04-7-2739-4/20 od 08.06.2020. god., Uprava J.P. Međunarodni aerodrom "SARAJEVO" d.o.o. Sarajevo na 23. sjednici održanoj dana 09.12.2020. god., donosi

## ODLUKU

### I

Prihvata se ponuda ponuđača **DORA INŽENJERING d.o.o. Split**, Republika Hrvatska, broj: 25/2020, zavedena na protokol Naručioca pod brojem: 06-04-7-2739-2/20 od 11.09.2020. god., za nabavku Konsultantskih usluga vezanih za projektovanje i rekonstrukciju PSS, rulnica i dijela platforme, koji je ponudio cijenu za navedenu nabavku u iznosu od: **150.000,00 KM, bez PDV-a.**

### II

Po proteku rokova za reviziju Naručilac će pozvati izabranog ponuđača radi zaključivanja ugovora o nabavci usluge iz tačke I ove Odluke, kojim će se regulisati međusobna prava i obaveze ugovornih strana.

### III

Izabrani ponuđač je, u roku od 7 (sedam) dana od dana prijema Obavijesti i Odluke o izboru najpovoljnijeg ponuđača, dužan dostaviti Naručiocu originale ili ovjerene kopije dokumentacije iz člana 45. Zakona o javnim nabavkama, u skladu sa dostavljenom Izjavom, ne starije od 90 dana od dana dostavljanja ponude.

## Obrazloženje

Postupajući u skladu sa članom 18. Zakona o javnim nabavkama („Službeni glasnik BiH“, broj 39/14), a u cilju izbora najpovoljnije ponude za nabavku Konsultantskih usluga vezanih za projektovanje i rekonstrukciju PSS, rulnica i dijela platforme, direktor J.P. Međunarodni aerodrom "SARAJEVO" d.o.o. Sarajevo donio je Odluku o pokretanju postupka nabavke, broj: 02-1-04-7-2739-3/20 od 05.06.2020. god., a Rješenjem o imenovanju Komisije, broj: 02-1-04-7-2739-4/20 od 08.06.2020. god., imenovao je Komisiju za provođenje postupka nabavke predmetne usluge.

U skladu sa navedenom Odlukom, Naručilac je objavio obavještenje o nabavci na portalu javnih nabavki, broj obavještenja: 246-1-2-305-3-83/20 od 08.06.2020. god. Do ostavljenog roka za predaju ponuda 25.06.2020. god., na adresu Naručioca nije dostavljena nijedna ponuda. Imajući u vidu naprijed navedeno, Komisija je predložila Upravi J.P. Međunarodni aerodrom "SARAJEVO" d.o.o. Sarajevo da se poništi postupak nabavke predmetne usluge i prije pokretanja novog postupka nabavke usluge iz tačke I ove Odluke, analiziraju razlozi koji su doveli do poništavanja provedenog postupka nabavke uz dodatne napore na animiranju potencijalnih ponuđača. Uprava J.P. Međunarodni aerodrom "SARAJEVO" d.o.o. Sarajevo je na 2. sjednici održanoj dana 05.08.2020. god., prihvatila prijedlog Komisije, te je primjenom člana 69. stav (2) tačka a) Zakona o javnim nabavkama ocijenila da su se ispunili uslovi za poništenje postupka nabavke predmetne usluge, iz kojih razloga je donijela Odluku broj: 02-1-04-7-2739-17/20, kojom je utvrđeno da će nakon proteka roka za reviziju biti ponovno pokrenut postupak nabavke ove usluge.

U skladu sa naprijed navedenom Odlukom, Naručilac je objavio novo obavještenje o nabavci predmetne usluge na portalu javnih nabavki, broj obavještenja: 246-1-1-390-3-102/20 od 21.08.2020. god.

Do ostavljenog novog roka za predaju ponuda, 27.10.2020. god., do 12,00 sati, na adresu Naručioca, ponudu je dostavio samo jedan ponuđač, i to: DORA INŽENJERING d.o.o. Split, Republika Hrvatska.

Na javnom otvaranju ponude, koje je održano isti dan u 12,30 sati, bez prisustva predstavnika ponuđača, pročitani su naziv ponuđača i ponuđena cijena. Nakon javnog otvaranja ponude, Komisija se sastala radi njene detaljne analize i konstatovala da je ista dostavljena u skladu sa uslovima zahtijevanim Tenderskom dokumentacijom i ocijenjena formalno – pravno i tehnički ispravnom.

Ponuda nije ispunjavala uslove za primjenu preferencijalnog tretmana domaćeg. Za ovaj postupak nabavke bila je predviđena e – aukcija, koja nije provedena jer je dostavljena samo jedna prihvatljiva ponuda.

S obzirom da je Odlukom o pokretanju postupka nabavke, shodno članu 25. Zakona o javnim nabavkama utvrđen metod nabavke otvoreni postupak, Komisija je ocijenila da postoje uslovi za nastavak postupka dodjele ugovora. Vodeći se naprijed navedenom činjenicom, te činjenicom da ponuda ponuđača DORA INŽENJERING d.o.o. Split u cjelosti ispunjava uslove date u zahtjevu za dostavu ponude, uz ponuđenu cijenu navedenu u dispozitivu ove Odluke, Komisija je predložila Upravi J.P. Međunarodni aerodrom "SARAJEVO" d.o.o. Sarajevo da se ugovor za predmetnu nabavku dodijeli ovom ponuđaču.

Uprava J.P. Međunarodni aerodrom "SARAJEVO" d.o.o. Sarajevo, razmotrila je dostavljenu preporuku Komisije na 23. sjednici održanoj dana 09.12.2020. god., te je, nakon uvida u cjelokupno provedeni postupak, istu prihvatila, i u skladu sa čl. 25. i 64. Zakona o javnim nabavkama i članom 21. stav (1) tačka 2) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo, donijela Odluku kao u dispozitivu.

**POUKA O PRAVNOM LIJEKU:** Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa, J.P. Međunarodni aerodrom "SARAJEVO" d.o.o. Sarajevo, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 10 (deset) dana od dana prijema Odluke.

Prilog: Zapisnik o pregledu i ocjeni ponude.

v.d. DIREKTOR-a  
Alan Bajić



**DOSTAVLJENO:**

1. Ponuđaču (co.)
2. Upravi Društva
3. Sektoru komercijale
4. Sektoru finansija (co.)
5. Sektoru tehnike i održavanja
6. Sektoru za PKO poslove
7. a/a